

順德縣志卷之二十

金石略二

石 古磚
瓦文附

新修張狀元祠碑記

天順七年

張諫撰

宋德祐時權臣誤國元兵一入奉璽納降雨宮北去二王南
行天下事不可爲者十八九矣雖有陳宜中文天祥張世傑
陸秀夫等大聲疾呼然宋運奄奄膏肓莫救語云死病無良
醫正此謂也而元人之慘毒甚於豺狼今日屠韶明日屠興
化未幾潮州又值屠矣於是越溪公率鄉郡之眾恢復廣州
先是廣州鳳圍不守徐直諒遁黃世雄入焉世雄遁趙潛曾
逢龍入焉趙潛棄去呂師夔梁雄飛入焉雄飛敗走越溪公
入焉以千百餘燼之卒敵百萬日增之師公之意蓋欲冒死

913733
2124
10

以報朝廷也已而元丞相呂師夔會塔出合攻廣州四壘無
援越溪公猶以身先士卒登城固守無奈事終不濟城陷被
執遂憤鬱不食死於梅嶺死之日文天祥謝枋得聞訃大慟
作哀悼詩以輓之公之捐軀報國亦大彰明較著矣乃史不
核其實特書塔出圍廣州制置使張鎮孫以城降而不書道
死梅嶺事一唱百和嗷嗷莫辨是使公之忠魂含冤地下而
其苦節總不白於天下後世也噫作史者好爲議論不樂成
人之美固若是哉越溪公之殉國如此卓卓且猶以降書其
他則又何說也耶嘗讀史至此未嘗不掩卷而三歎也且降
之與否最有辨者旣降矣則必偷生偷生則必畏死凡可以
保其首領者無所不至而不食道死之事尙可得之於越溪
公也哉或謂道死爲虛則文天祥謝枋得之輓詩又胡爲乎

來哉降則必不死死則必不降此尤明白可見者也今越溪公之從容就義如是史沒其死節則亦已矣又從而書其降何其不達於理若是耶說者又謂越溪公不應死於梅嶺而應死於破城之日以此咎公則文天祥當日至燕三年而始成其志者則又何說乎其尤不通之甚者矣吾謂公之精忠與文天祥陸秀夫等同一轍者夫豈曲爲回護也哉余又讀廣州地輿文天祥誌見公之死節紀載甚詳表公之忠義最著天祥枋得之輓詩又朗朗可誦書公死節者前有紀海上事之陳仲微後有董師謙公之殉國已有先我而表其微者安知數世之後降城之書無有史官起而辨之者乎其改正可翹足待也余所恨者公之門生故吏遍於嶺南死之日曾無一人爲公立傳以彰苦節遂乃信筆乖誤爲可惜耳今廟

既成八傳從孫大行人戟暨其兄棨等請題於余庸表其事
使刻諸石冀家藏一通以正國史俾越溪公之精忠庶不至
與庾嶺梅片同飄沒於荒煙蔓草中也越溪公之子孫其勉
圖之時天順七年秋七月朔後二日

按與正德九年修祠碑並在熹涌村又按著錄碑版之例
取其文詞與行段尺度書蹟并詳載焉故必就原石拓出
入纂順德諸碑不過託始前明而舊石之扑泐已多蓋失
二三矣文獻攸闕不得不補以前志所引於當時書篆名
氏碑式往往缺難稽考卽立石年月亦須以文證定焉用
發其凡於此

順德縣學鄉貢題名之碑

成化元年

賜進士翰林侍讀學士奉直大夫直文華殿賜一品服出知

順德縣事九峯錢溥撰并書

昔帝王之御天下務得賢爲致理之本蓋賢必養之學校而收於科目至成周賓興禮備而賢者益樂爲之用我國家肇開文運殆且百年政孚化洽而臻古帝王之治亦用賢爾故興厲士類之舉每惓惓焉東廣去京師八千里外而順德又遵海之南化之最難及者也景泰壬申朝廷旣伐叛始割南海縣三都四十堡地爲順德而學宮遂創於縣治之陽諸生縣叢講禮變干櫓爲俎豆之墟易刼奪爲揖讓之所不踰年首破天荒而領薦者得一人曰張泰繼是而彬彬焉起者曰趨于盛他郡縣罕與之京噫又何其化之易易哉亂極而治亦人心自然耳學校與王化遠邇蓋原人心而論不限其地之遠與俗之陋也禹貢不過九州而史氏贊其盛曰朔南暨

聲教文王三分有其二而詩人咏之極于南國之化行焉方
今海寓一統適萬里如東西家而仁化所及際天極地莫不
尊親而况東廣名藩也順德壯縣也士又秀乎其民也而不
易易其化乎天順甲申予學錦而至周覽庠舍顧諸貢士題
名于壁曰就彫剝學諭三山林應訓導玉山汪景福謀之而
請曰願易以石噫勸懲有道固司政教者所當先而士志於
行道視科目尙謂未足以得人而可以此夸一時榮一鄉哉
陸敬輿韓退之何人也天下後世雖謏學嗇夫咸知龍虎榜
人又奚暇以壁與石久近計邪石雖泐而名不泯是用待於
有志行道勸

成化元年乙酉夏五月 日立

按此下分三截題名下宏治進士題名同制

景泰癸酉科

張泰

甘溪堡人易丙戌進士任知縣陞御史

梁

煥

逢簡堡人府學生書

康

麟龍江堡人府學生書御史陞僉事

梁

和

桂林堡人府學生詩任知縣

鄺

英雲步堡人番禺縣學生禮任推官

梁

昕

逢簡堡人府學生詩任知縣

丙子科

梁

昉石碯堡人府學生易丁丑進士解元

倫

善

石碯堡人府學生詩乙未進士任知縣

天順己卯科

鄭

球桂林堡人詩

陳

斌

龍山堡人禮記進士任御史

何

昌黃連堡人禮記任知縣

張

紀

龍江堡人府學生詩任通判

馬

驄水藤堡人儒士禮記進士任知縣主事

羅

文會

葛岸堡人禮記任知州

鄭

翼桂林堡人詩任知縣

薛

夔

龍江堡人禮記

劉

琮龍江堡人南海學生詩

張

縉

龍江堡人府學生詩任知縣

何濟

水藤堡人儒士書丙戌進士

余

鏞

逢簡堡人府學生書任司務

壬午科

麥

謹

石硝堡人禮記魁

張善昭

龍江堡人南海學生易任司務

邵

智

南海縣桂華堡人書御史陞僉事

李

聰

龍江堡人易進士御史陞知府

梁

經

南海縣佛山堡人禮記

何璧光

龍山堡人禮記任通判陞同知

龔

卓

桂林堡人易

倫

誠

南海縣思州人易任知縣

黎

絢

逢簡堡人廣任憲司吏詩魁

廖

璋

北水堡人府學生易

成化乙酉科

梁

任

石硝堡人南海學生詩

何文英

新良堡人府學生詩辛丑進士

鄺

鼎

南海縣人易

馮

騏

南海縣人書

黎

暹

鷺洲堡人易任同知

何

澤

龍頭堡人詩

鄧宗潤

水藤堡人儒士禮記

戊子科

廖垣

任訓導

顧行

何珖

乙未進士任知縣陞御史

鄺顧

壬辰進士任知縣陞主事

馮瑞

任訓導

馬騶

任教諭

辛卯科

霍展

何綸

張維

梁魚

何琰

黃用

倫啓

梁曉

甲午科

梁儲

戊戌會元任翰林院編修

區昌

何球

何會

倫喜

丁酉科

周鳳

盧銘

廖貫

曾寬

蘇葵丁未進士梁稷何璋梁應科

庚子科

陳緯禮部經魁趙克寬林楚陳綬庚戌進士

羅子房陳英黎億黎民紀

李麟梁曙

癸卯科

韋珖何瑋陳貞關潮興

沈濂馬淳陳準

丙午科

陳其昌陳鑑張羽黃魁

陳光馬鵬梁瓘鄧德純

蕭岑何葵曾師孔盧鑑

按學之明倫堂舊懸木榜於兩墉凡鄉會試中式科分姓名脚色咸具而入石爲題名碑則自此始蓋舉開縣以後十二科鄉貢備焉後此則不復繼刻然卽此各列其鄉堡與終身厯官及分經肄習較前志選舉特詳可補前傳之缺證後撰之誤以是見舊刻之不容竟聽其漶漫也碑文在上方下分三截各有界格

順德縣興造記

成化元年

賜進士第翰林院侍讀學士奉直大夫直文華殿賜一品服出知順德縣事華亭錢溥撰並書

順德縣所轄三都四十堡一百六十里舊南海縣屬也正統十四年冲鶴堡黃蕭養聚徒爲亂明年改元景泰廷命都督董興將兵剿平之大良堡民羅忠等訴南海十一都惟東涌

馬寧西淋三都之民離縣遠而瀕海故傲化而易亂割是
都而建縣于大良則可治於是巡撫兵部侍郎揭稽集三司
議聞于上賜名縣曰順德三年四月二十七日也其縣東抵
老鴉岡西至仰船岡南極大海北距五斗口而大良東南北
皆際水西控金榜山脊周圍一千四百八十六步計地五頃
七十一畝舉南海丞周直知縣事而開設焉經營相度按圖
建治初創于碧鑑今公館是也越二年冬主簿楊騫始徙此
而繼以余玠崔瑀李先知縣事作南二門蓋廳堂兩廊造儒
廟學布按二分司城隍廟山川社稷厲壇而土城則天順八
年秋縣丞徐勤築之其冬予自翰林待罪而至見諸山綦布
水與田連絡不絕入其境城市深廣民勤生而士務學嶺南
一壯縣也然規模草創體具而未周乃撤故增新置麗譙樓

植戒石亭繪門垣以耕桑政教圖俾男婦老幼過而見者知
所警勸與夫增學舍貲城垣標題文飾煥然可觀噫何治未
匝月而遽臻是哉雖然抑末矣凡設縣以親民者本之則豈
是耶蓋在從其欲而不拂其性夫從其欲則必遂其生而不
拂其性則必申其教文之以禮樂也而不計其功薰之以德
義也而不急其效賞之而不竊也驅之而不畔也以生道殺
之而不怨也而後爲至治苟政焉頭會箕歛而已教焉頽滑
解垢而已焉知其本之謂孔門高弟如由求輩尙曰爲之三
年可使足民有勇且知方也而予何人斯遽欲探其本耶夫
本猶海也望之茫然其莫測使不造爾如山之舟張爾如雲
之帆凌風濤觸蛟龍而不顧焉望其能濟而予也歸休有日
矣具爾舟帆以俟夫能濟君子成化元年乙酉夏六月朔旦

主簿莫佛生董工刊立

告開縣民羅忠鄭銓趙季諾羅顯庸羅韶游信羅觀驥

談善羅倫吳霄羅定

南海龔寬刻

按碑式上圓如古法額疊二篆爲行旁及四周間以雲象末題告開縣十人結字名皆視姓略小後此三十有二年李承箕以撰志在縣亦題刻有記曰興造蓋并此而二矣

順德縣學新建奎文閣記

成化二年

勅命贊理征夷軍務兼理巡撫廣東廣西都察院左僉都御史食三品祿前兵部左侍郎姑蘇韓雍撰

勅命趙運征夷軍儲通議大夫戶部右侍郎古巢薛遠篆

中奉大夫廣東等處承宣布政使司左布政使四明陳撫書

天順八年春翰林侍讀學士雲間錢公原溥以呈誤出知廣

之順德縣甫下車拳拳焉教養保民之政以順德舊爲盜賊
殘破之區今雖設縣治依山濱海亂流交匯奸宄侵凌難於
制防乃言於上官省民輸調設爲教令勸材募丁遂大備磚
石甃其縣城鑿河導流環其縣境甫半載畢工復巡行鄉閭
召民父老問其疾苦課其農桑勉其孝弟禮義稍暇又時至
學宮與生徒講說堯舜禹湯文武周公孔子之道明德新民
眞履實踐之學踰年歲豐民樂境內無事熙熙乎有可封之
俗而科目興賢視前加多惟是學宮左顧右視夾乎兩山之
間而虛其後公欲建閣於其地以聚風恐勞民未果也成化
元年秋八月縣之里正新書應公家之役修故事以贊見之
儀見公公曰無庸見我見

聖人可也爰命耆宿二人導里正百六十人謁

文廟畢進之明倫堂以酒饌屬教諭林應大饗諸役皆鼓舞
歡蹈願出餘貲以助興舉隨致白金餘三百兩復簡生員黎
璇何昭林政耆民岑文亮冠帶義總吳霄董其事建閣七楹
高二丈七尺深三丈五尺廣視深加倍有奇經始於是年十
月十一日落成於明年三月十五日高廣明靚壯觀一邑公
因題之曰奎文意蓋期望是學人才之興文明之盛是春舉
子何濟李聰邵智張泰果舉進士於是學之諸生邑之民庶
皆忻忻然感激詣子臺下拜請文紀其事適公拜恩復職將
還過子復申其請於乎王政之大不過保民而教養之世之
迂儒俗吏固鮮能兼而自古文人才士遷謫於外者韓蘇諸
君子之外亦多放情山水之間娛樂而已求如公之兼行惠
政化成而蹟著者豈多見哉公以清才碩學舉進士高第入